

Cartas nordic

Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2011

■ **Møvik, Norvegia:** 10 km al sudwest del centro de Kristiansand se trova “Batterie Vara” (Batteria Vara), un enorme batteria de cannone construite per le germanos durante le Secunde Guerra Mundial. Illo esseva parte de un serie de fortalessas del nord de Norvegia al sud de Francia verso le Atlantico. In Norvegia esseva construite circa 300 batterias proxime al costa. Le cannon le secunde plus grande in le mundo montate sur le terra se trova ci. Illo pesa 110 tonnas, es 20 metros longe e es identic a illo usate in le naves german Bismarck e Blücher. Møvik es al distantia le plus curte inter Norvegia e Hanstholm in Danmark. Illo non jammais esseva usate in battalias e esseva claudite in 1957, quando tres del quatro grande cannone esseva removite. Le area Kristiansand Kanonmuseum vale un visita, e durante le dies estive on pote esser guidate.

Texto e photo: Magne Heie

Questiones

Ubi debe on ir, si on desira vider le Batteria Vara?

Qual esseva le scopo del batteria durante le guerra?

Describe le grandor del cannon presente.

Proque seligeva le germanos construer le batteria in Møvik?

Que occurreva con le altere cannone?
